

रवि शाक्य, इखाछें, यल

छय् 'समर्थ' जँकुया लसताय्

पिथनागु

बौद्ध विधिकथं जँकुया

संक्षिप्त परिचय

चवमि

हेमराज शाक्य

छय् 'समर्थ' जँकुया लसताय्

पिथनागु

बौद्ध विधिकथं जँकुया

संक्षिप्त परिचय

च्वमि

हेमराज शाक्य

प्रकाशक :

राजेन्द्र व रमिला शाक्य

थल, महाबुद्ध, धैना १२/६८

फोन नं. ५२३२५०

मू : शुभ आशीर्वाद

प्रकाशन मिति :

ने. सं. ११११

बुद्ध सं. २५३४

वि. सं. २०४७ माघ २३ गते बुधवार

थाकू :

संकटा प्रेस, ख १-८३ टेबहाः, येँ-३, नेपा ।

थःगु खँ

गुह्यसिया नामं थुगु सफूचा पिदन, उह्य मचाया अजि चन्द्रलक्ष्मीं जितः हःपा बिया च्वन । छय्या जँकुया लसताय् 'छँ छगू वःचाधंगु सफूचा पिकाय्दुसा ज्यू' धका धाःगुलि उकिसं वहे मचा 'समर्थ' बाबुया अबु राजेन्द्र व माँ रमिलानं प्रस्तुत पुस्तिका प्रकाशन निमित्त अनुरोध यात । लिसं मचाया निनिपि— लक्ष्मीशोभा, चन्द्रशोभा व हिराशोभा अले दाजु प्रमोद, तता सृष्टि व लसतापिसनं च्वतुमतु च्वयेकल, याकनं प्रकाशय् हःसा न्ह्याईपुसे च्वनि धका हालाच्चंगुलि याना हथासं वहे समर्थ—जँकु विषय कया च्वय्गु निर्णय जूगु जुल । थुगु ईलय् लाक्क सुरेन्द्रनं जापानं टुङ्कल यानाहःगु जुयाच्चन आमकन छु खँ ह्लानाच्चनागु धका न्यनाहल । खः थौं भौ बाबुचाया जँकुया लसताय् सफूचा पिकायेगु विषय छलफल जुयाच्चंगु धका लिस; बिया । अले थ्व खँ न्यना सुरेन्द्रं हर्ष-पूर्वक सूचं बिल— दाःनं च्वयेगु सफू जँकुया जक परिचय मजूसे नेवा बौद्ध संस्कार विषय कया च्वसू न्ह्याका विज्याहूँ । उगु प्रकाशनया निमित्त आवश्यक खर्च जि थन च्वंपि नेवा बौद्ध संस्कृतिप्रति आस्था दुपि जापानीपाखें प्रकाशक माला-

बिये छुं घन्दा कया बिज्यायम्वा घका आश्वासन बिया हल ।

तथापि इलं मलागु जुया आः थथेंयात जँकु विषय कया जक च्वयेगु निर्णय जूगु अनुसारं थुगु पुस्तिका छापय् जूगु जुल ।

थुगु किसिमं नेवा बौद्ध संस्कार जँकु विषय दकले सकलें ह्लापां पिदंगु शायद थ्वहे पुस्तिका जुई ।

खजा, थुगू सफू उलि अन्वेषण पूर्णंगु कृति मखु । परन्तु थव छय् समर्थ बाबुया प्रति माया ममतां अनुप्रेरित जुया लिसें नेवा बौद्ध संस्कारया जँकु विषये अर्थ विशुद्धि एवं महत्त्व सियके सय्केगु अभिलाषा दुपिनि निमित्तनं उपयोगी जुई घैगु हेतुं जक प्रस्तुत यानागु जुल ।

तर, थुगु सफुचा हथासं च्वयागु जुया थुकि गनं मिले-मजूगु दतसा विज्ञपाठकपिके क्षमा पवंसे लिसें सुभाब व आलोचनायात सहर्ष स्वागत याना च्वना । अस्तु ।

हेमराज शाक्य

यल, महाबुद्ध, थैना,

जयधी विहार

नेवा बौद्धसंस्कार अनुसारं

जँकुया अर्थ व थ्वया ज्याइवः

जन्म जुयालि कूलेच्चना भिखुगू संस्कार कथं ह्लापालाक कर्म खँकेगु प्रक्रिया यात 'जँकु' घाईगु जुल ।

आ महायान बुद्धधर्म अन्तर्गत वज्रयानी विधिकथं परम्परागत चलय् जुया वयाच्चंगु जँकुया अर्थ विशुद्धि व थ्वया ज्याइवः विषयकया संक्षिप्त परिचय प्रस्तुत याय्—

वज्रयानी आचार्य गुरु वज्राचार्यया निर्देशनकथं विधि अनुसार जँकु याय्त ह्लापालाक जँकु याईह्य मचा नवजातशिशु जन्मजुया न्याला फुना खुला क्यंसेलि भिगु शुभ मूहूर्तस सर्व-प्रथम स्नान याका न्हूगु, भिगु, बाँलागु (तासतिनिखा) या वस्त्रं पुंका न्याता तिसाँ तियक्यगु ज्या जुई—

- १) शिरोभूषण — जँकु तपुलि
- २) कर्णभूषण — मारमलि चाः चा
- ३) हृदीभूषण — जन्त्र हृदयपवः
- ४) हस्तभूषण — पंचरत्न चुल्या
- ५) पादभूषण — छुस्यापू कल्लि

थुकिया विशुद्धि अर्थ सद्भावना यथे खः—

जँकु तपुलि पुईकूगुया मतलब खः— थुह्य मचा सुविनीत स्वभाव सुयोग्य विद्वान्ह्य लिसें सौभाग्य सम्पन्नह्य जुईह्य जुई धँगु अर्थ ।

मारमलि चाः चा सुईकागुलि सद्धर्मवाक्य, शास्त्रवचनया श्रवण याईह्य जुई धँगु अर्थ ।

जन्त्र हृदयपवः धारण याकागुलि शुद्ध चित्त बोधिचित्त अनुरूप आचरण याईह्य धँगु अर्थ ।

पञ्चरत्न चुल्या न्ह्याकागुलि साहित्य, संगीत, शिल्प-कलाय् ह्या न्ह्याकेफुह्य च्वसु व ज्याभलाभ वाँलाक छ्यलेसह्य जुयानं दानप्रदान याइगु स्वभाव जुईह्य जुई धँगु अर्थ ।

छुस्यापू कल्लि न्ह्याकागुलि म्वामदुगु लँय् गुबलें पलाः मतइह्य लिसें तीर्थस्थले अनुगमन जुईह्य सम्यक्मार्गस जक अनुशरण जुईह्य जुई धँगु अर्थ ।

तिसा वस्त्रं तीके धुंसेलि उह्य मचायात मण्डले प्रवेश याका स्वस्तिचिह्नांकित आसनस पयतुका सर्वप्रथम गुरुमण्डल दंका त्रिशरण व बोधिसंवरशील काय्कालि बोधिचित्तामृत पूर्णकलश स्वना थ्वया जःखः शून्यता महाकरुणाया प्रतीक प्रज्ञोपाय स्वरूपं न्हेकं सिह्णमू आदि थापं ज्वलं तालाकाः विधियें पूजारम्भ जुई । थ्वहे भोले थुह्य नवजात शिशु वज्र-यानया कूले जन्म जुयालि छुसिकथं वज्रयानया सौभाग्य समर्थ दर्इगु मार्गफले प्रतिष्ठित जुजुं वनिह्य जुल धँगु सद्भावनां प्रेरित याना हानं निम्न लिखित प्रक्रिया सुरु जुई—

- १) क्लेशावरन मुक्त जूगु अर्थे निराञ्जन क्रिया याई ।
- २) ज्ञेयावरन मुक्त जूगु अर्थे मतफँ त्वयेगु ज्या जुई ।
- ३) सम्बोधिज्ञानया आधिकारिक जुल धैगु अर्थे ताःचां वयंका काई ।
- ४) आयु, पुण्य, ज्ञान, गुण, कर्म, सिद्धिफल, सौभाग्य प्राप्तिया अर्थे सिफँ लुईगु ज्या जुई ।
- ५) थुलि जुसेलि थुह्य नवजात शिशु जँकु यानाह्य मचा वज्रयान शासनस यथागन्तव्य स्थान उच्चकोटि दर्शन-ज्ञान वज्रभूमि थ्यंका धर्मकाय वज्रधरपद प्राप्त जुईगु सौभाग्य सुरक्षित जुल धैगु अर्थे अन्तस वज्राधिष्ठान क्रिया जुई ।

थुलि वज्रयानया सत्याधिष्ठान क्रिया सम्पन्न जूगु लसताय् सम्पूर्ण मङ्गलध्वनिया शुभप्रतीक घण्टवादन याका गुरु वज्राचार्य स्वस्तिवाक्य व ये धर्मा गाथा ध्वनी ।

जँकुमचायात थाय्भु न्ह्यच्याके न्ह्यः छगु हानं मेगु तप्पागु भूस षोदश कलागुणया विभिन्न चिह्न सहित याना मचायात न्ह्यच्याकेगु ज्या जुई । थुकी छगुछगु महत्त्वपूर्ण ज्याया वस्तु त्यज्या याकेगु याई । थुगु त्यज्या याकेमाःगु कारण खः— भविष्य कम्हेकँस थ्व मचां छु इलम याना थःगु जीवन सार्थक याइह्य जुई धैगु शुभ संकेत भविष्य लक्षण सिक्येगु आसयं अनुसन्धान याकेगु ज्या जुई । थुगु भुई निम्न प्रकारया वस्तुत ब्वया तई—

- १) 'सफू' - ल्ययाकाल धासा थुह्य मचा शास्त्रज्ञानी विद्वान् जुई धैगु शुभसंकेत जुल ।
- २) 'ज्याभः' - ल्ययाकाल धासा थुह्य मचा शिल्पकला ज्या याना जीविका याईह्य जुई धैगु शुभसंकेत जुल ।
- ३) 'तिछु' - ल्ययाकाल धासा थुह्य मचा सङ्गित, नृत्य कलास निपुण जुईह्य जुई धैगु शुभसंकेत ।
- ४) 'वह, लुँ' - ल्ययाकाल धासा थुह्य मचा अलङ्कार तिसा वसः निर्माण यायेगु ज्याय् निपुण जुईह्य जुई धैगु शुभसंकेत ।
- ५) 'भिपु यूँ' - ल्ययाकाल धासा थुह्य मचा रत्नपरीक्षाय् निपुण जुया जवारहातया बन्द व्यापार यायेसःह्य जुई धैगु शुभसंकेत ।
- ६) 'बुँ चा' - ल्ययाकाल धासा थुह्य मचा चतुषष्ठी अन्न-वृही सपेसाम्हायागु उब्जनी उन्नत यायसःह्य जुई धैगु शुभसंकेत ।
- ७) 'ध्येवा' - ल्ययाकाल धासा थुह्य मचा घनाढ्य जुया साहु महाजन धाय्कीह्य जुई धैगु शुभसंकेत ।
- ८) 'वासः' - ल्ययाकाल धासा थुह्य मचा आयुर्वेदशास्त्र विधाय् निपुण जुया स्वास्थ्य उपचार याय्सःह्य जुई धैगु शुभसंकेत ।
- ९) 'असूमू' - ल्ययाकाल धासा थुह्य मचा बन्द व्यापारस कुशल जुया देश विदेश गमन याईह्य जुई धैगु शुभसंकेत ।

- १०) 'अजः सला' - ल्ययाकाल घासा थुह्य मचा जम्भन, स्तम्भन, मोहन, वशीकरण उच्चाटन एवं मारणादि षट्कर्म कुशल जुया तान्त्रिक जुईह्य जुई धैगु शुभसंकेत ।
- ११) 'ज्वलाः न्हेकं' - ल्ययाकाल घासा थुह्य मचा खगोल विद्या, ज्योतिषशास्त्र आदिस निपुण जुया छह्य दार्शनिक जुया पिदनिह्य जुई धैगु शुभसंकेत ।
- १२) 'जःमू' - ल्ययाकाल घासा थुह्य मचा निश्चयनं सद्धर्म-चर्यास प्रवीण जुया जपी तपी योगीश्वर जुया जीवन सार्थक याईह्य जुई धैगु शुभसंकेत ।

थुलि प्रक्रिया सिधेवं ८४ व्यञ्जन तालाका थायभू न्ह्यच्याका स्थवौर आजुं न्यापतिनं न्याकः भावनायाना-

“ॐ सर्वतथागत समाधिफल

जिनपुत्र प्रीनये स्वाहा”

घका वाक्य ब्वना पंचामृत, पंचज्ञान, पंचौषधी, पंच-ओजस्वी एवं पंचोदन भोजन याकी । थुगु भोजन याकेत पंचग्रास पतिकं-

“ॐ नमः समन्तबुद्धानां तेजोबलं

ओजोबलं ददे स्वाहा”

धकानं अधिष्ठानयुक्त मन्त्रवाक्य ब्वना परिशुद्ध याना विई । थुगु मन्त्रवाक्यया दुने थुजागु भाब सुलाच्चंगु दुकि-

त्रिकालया सकल बुद्धपिन्त नमस्कार याना ध्व प्रार्थना याना च्वनाकि छलपोल सम्यकसंबुद्धादिपिगु तेजोबल

ओजस्वीबलं थुह्य नवजात शिशु जँकु-मचायात नकाच्चनागु
क्षीर तस्मै भोजनस मते मत सरे जुईथें छलपोलपिंगु आयु, पुण्य,
ज्ञान, गुण सिद्धिया बलप्रसाद प्राप्त जुईमा धका शुभाशीर्वाद-
द्वारा अधिष्ठान यांना जा नकूगु जुल । प्रसङ्गवश थुथास
अतीतबुद्ध – विपश्ची, शिखी, विश्वभू, ऋकुच्छन्द, कनकमुनि
व काश्यप एवं वर्तमानकालया बुद्ध शाक्यमुनि तथा भविष्यत्
कालया अनागत बुद्ध आर्यमैत्रेयपिंगु थःथःपिंगु तेजानुभावनं
थुह्य वालकया ओजस्वी अभिवृद्धि जुईमा धका धयातःगु
जुल । श्वहे सप्तबुद्ध आदिं मैत्रेयया छु छु विशेषता दु धैगु
शान्तिपाठ-सूत्र पञ्चरक्षा सफूतिस थथे उल्लेख यांना तःगु
खने दु-

- १) श्री विपश्ची तथागतया – तेजोबल
- २) श्री शिखी " - बलया तेज
- ३) श्री विश्वभू " - सत्यवाक्यया तेज
- ४) श्री ऋकुच्छन्द " - समाधिया तेज
- ५) श्री कनकमुनि " - ज्ञानया तेज
- ६) श्री काश्यप " - ऋद्धिया तेज
- ७) श्री शाक्यमुनि " - वीर्यया तेज
- ८) श्री मैत्रेय " - प्रतिज्ञाया तेज

थुह्य नवजातशिशु जँकुर्म खँकूह्य मचा निश्चयनं श्वया
जीवनय् ध्यः कस्ति, साखः दुरया जक पंचामृत भोजन मज्जे
निम्न प्रकारया यथार्थगु वास्तविक पंचामृत अनुभूति याइह्य
जुईमा धैगु अर्थ खः-

- १) सुनं मनुखं अमृतमय जीवन प्राप्त याय्त ८४ लाखयोनि प्राणिपि मध्ये उत्तम मनुष्यजीवन धायकेत, सफल जुयेत, सर्वप्रथम सम्पूर्ण पापकर्म अकुशल चरित्रपाखें सुरक्षित जुयेत समन्तभद्रचर्या प्रणिधान पुरय् याय्त कल्याण-मित्रया सेवा याय्गु आवश्यक जुल । थुकियात हे 'सत्संग-त्तामृत' धाई ।
- २) निगूगु अमृत खः पुण्यसम्भार पुरय् याना वनेगु 'धर्मामृत' धाई ।
- ३) स्वंगूगु अमृत खः ज्ञानसम्भार पुरय् याय्गु 'ज्ञानामृत' धाई ।
- ४) प्यंगूगु अमृत खः पुण्यसम्भार, ज्ञानसम्भारं पारङ्गत जुया सम्बोधिज्ञान प्राप्त याय्गु 'बोधामृत' धाई ।
- ५) न्यागूगु अमृत खः वज्रयानया सिद्धान्त अनुसार सर्वोपरी स्थान उच्चकोटि दर्शन धर्मकाय वज्रधरपद प्राप्त याय्गु यात हे 'वज्रामृत' धाई ।

गूबलेतक भीसं वज्रधरपद प्राप्त यानाकाये फईमखुनि उबले तक भीतः अनेक प्रकारया नवग्रहया पाखें जुईगु भय-त्रास, दुःख, कष्ट, विघ्न, उपद्रव मजुई धका धाय् फईमखु । उकि यथार्थ कालचक्रया पाखें जुईगु लक्षणज्ञान स्यूपि दूरदर्शी भी पूर्वाचार्यपिंसं थुगु दोषपाखें मुक्त याय्त नवग्रहदोष परिशान्त याय्गु निमित्त जँकु यानाहा मचायात तःधंगु थुगु रक्षामालानं क्वखायकेगु याना वईच्चंगु जुल ।

थुगु रक्षामालाया अर्थ विशुद्धी यथे ख:-

- १) आदित्यया दोषनिवारणया निमित्त रक्षामालास लुलूगु तयातल ।
- २) सोमया - हिडलर
- ३) मङ्गलया - कूट
- ४) बुधया - शोभाय फल
- ५) बृहस्पतिया - पटक
- ६) शुक्रया - जटामास
- ७) शनिश्चरया - लोह
- ८) राहुया - हःठ
- ९) केतुया - सिजल
- १०) जन्मया - ओहः

थुगु रक्षामालाया धारण याकागुलि नवग्रहशान्ति याइपि देवतापिन्सनं आरक्षा याई-

- १) श्री वसुन्धरां आदित्यदोष शान्त याई
- २) श्री वज्रविदारिणीं सोमदोष शान्त याई
- ३) श्री गणपति मङ्गलदोष शान्त याई
- ४) श्री उष्णीषविजयीं बुधदोष शान्त याई
- ५) श्री ध्वजाग्रकेयूरीं बृहस्पतिदोष शान्त याई
- ६) श्री मारिचीं शुक्रदोष शान्त याई
- ७) श्री ग्रहमातृकां शनिश्चरदोष शान्त याई
- ८) श्री पर्णशवरीं राहुदोष शान्त याई
- ९) श्री प्रत्यङ्गिरां केतुदोष शान्त याई ।

थुगु रक्षामाला ववखाय्के सिधयेवं गुरु बुद्ध, धर्म, संघ
 इष्टदेवता, कुलदेवता, धर्मपाल, लोकपाल एवं क्षेत्रपाल
 देवतापिन्सं रक्षा, मङ्गल याय्मा धका कीगः तिनी । लिसें
 गुरुपूजा याना गुरुदक्षिणा बिई । अले गुरु वज्राचार्यं जँकु
 मचायात . अभिषेक व आशिर्वाद बिई । थ्वया ल्युल्यू सगुन
 बिई, अले वज्रकौमारीया पूजा छ्वई । लिसें थव कुलदेवता
 आगमयात भाग तई ।

थुलि क्रिया सिधयेवं जँकु-मचायात पाजुह्मं बुया गुरु-
 आचार्य सहित ल्युल्यू बिज्याका थानाधिपति गरेश व थव
 विहारस शान्तिनायक महाकारुणिक भगवान् बुद्धया दर्शन व
 प्रदक्षिणा यायेत थंकी । यदि अनुकूल मिलेजुल धासा वाद्य-
 वादन सहित याना ज्ञातिवर्ग, वन्धुवर्ग लिचका उत्सव याना
 देशजात्रा याई । नगर परिक्रमा सिधयेवं गुरुवज्राचार्यं व
 आर्य संघनायक स्थवीर आजु प्रमुख, निमन्त्रित आगन्तुक
 थःथिति व इष्टमित्र जलः खलःपिन्त यथाशक्य भोजन याकी ।
 लिसें स्या न्याः थःथितिपिन्सं जँकुयाह्म मचायात दीर्घायु
 सुस्वास्थ्य सदबुद्धि एवं सुसमृद्धिया कामना यासें सगुन व
 उपहार द्यः छायागु ज्या जुई ।

थुलि मचाजँकुया संक्षिप्त परिचय जुल ।

❖ शुभमङ्गल ❖

चवमिया संक्षिप्त परिचय

प्रकाशन कृति—

- १) बौद्ध संस्कृति विषयक सफू ४
- २) बौद्ध धर्म विषयक सफू ६
- ३) बौद्धकला विषयक सफू २
- ४) बौद्ध इतिहास विषयक सफू १७
- ५) प्राचीन लिपि विषयक सफू ४
- ६) प्राचीन अभिलेख विषयक सफू ५

विभूषण—

गोरखा दक्षिण बाहु तक्मा २०२४ स प्राप्त ।

पदक—

- | | |
|------------------------------|------------------------|
| १) नेपाल संस्कृति मूलुखास | — सुवर्णपदक प्राप्त |
| २) श्री स्वयम्भू महाचैत्यस | — " " |
| ३) मयूरवर्ण महाविहार इतिहासस | — " " |
| ४) माणिगल राजप्रासाद परिचयस | — " " |
| ५) श्री ५ या सरकार पाखें | — जानपदक " |
| ६) " " " | — दीर्घसेवापदक प्राप्त |

पुरस्कार—

राजकीय प्रज्ञाप्रतिष्ठानपाखें — 'महेन्द्र प्रज्ञा पुरस्कार'

२०४३ स प्राप्त

विभिन्न प्रदर्शनीस ब्वति कयागु—

- १) ललितपुर आदर्श कला प्रदर्शनी, २) परोपकार घरेलु प्रदर्शनी, ३) अन्तर्राष्ट्रिय लिपि प्रदर्शनी, ४) सप्तरी पुरातत्त्व प्रदर्शनी, ५) त्रि. वि. वि. या आयोजनाय् जूगु प्रदर्शनी, ६) वदेगामे एक व्यक्ति पुरातत्त्व प्रदर्शनी ।